

ut perfidia eius ueniam erroris mereri non possit. Sicut dicit dominus de Iudæis : Si non uenissem & locutus eis fuisset peccatum non haberent, nunc autem excusationem non habebunt de peccato suo, quia quod uelut infirmum & deforme contempserunt, assumptum est in gloria. Post crucem manifestata persona & uirtute sua saluator palam famulantibus nubibus ascendit gloriosus in caelos.

Ioan. 15

CAPVT IIII.

Spiritus autem manifeste dicit, quia in nouissimis temporibus recedent quidam a fide attendentes spiritus fallaces, doctrinas demoniorum in simulatione falsiloquorum, cauteriatam habentium conscientiam suam, prohibentium nubere, abstinere a cibis quos deus creauit ad percipiendum cum gratiarum actione fidelibus, & his qui cognouerunt ueritatem, quia omnis creatura de bona, & nihil reiiciendum quod cum gratiarum actione percipitur. Sanctificatur enim per uerbum dei & orationem.) Quæ sibi spiritus sanctus futura reuelauerit ad instructionem ecclesiarum & cautelam non tacet, ut præmonita ecclesie sollicitæ sint, ne ab huiusmodi possint circūueniri hominibus. Quid enim tam clarum tamque apertum ad euitandos, aut magis condemnandos doctrinæ huius pestiferæ uiros potuit manifesta uoce præfari, nisi ut asseuerationem eorum fallacem ac simulatam doctrinam demoniorum nuncuparet, ut cum huius asseuerationis sermones audiuntur, a diabolo composita esse doctrina hæc sciretur, quam prædixerat spiritus sanctus, quæ de incarnatione saluatoris asserit falsa, quæ nunc in Marcionistis, quamuis penè defecerint, uel Patritianis, aut maxime in Manicheis denotatur. Hi enim & Christum natum negant & nuptias prohibent, & abstinendum a cibis tradunt. Quorum cauteriatam dicit conscientiam, hoc est simulatione corruptam, quia sicut cauterium corium corrumpit & notam infligit, ita & fallacia conscientiam quæ dolore malevolentia aliud scit & aliud profitetur denotat

ad perditionem. **I**am enim hos immutari negat ut saluetur, quia sicut cauterium immutari non potest, ita nec eorum animus emendari. **N**ihil enim peius simulatione. **T**ales enim hi sunt, quales & iudæi illi qui intelligentes **C**hristum dei uirtute operari, in **B**eelzebub hæc ab eo fieri dicebant. **V**t enim fabricatorem hominis male tractent, cum natos se non doleant, nuptias tamen prohibentes, **C**hristo carnem subtrahunt, & ut ad eius iniuriã proficiant, ab his quæ uisibus nostris instituit, abstinendum docent, ut per id quod despiciuntur mala esse & à malo autore inuenta uideantur. **H**inc est unde **A**postolus omnia à deo bona facta ostendit: si tamen cū gratiarũ actione sumantur. **I**mmunda enim erunt ei qui nõ laudat in his creatorem. **N**ec enim possunt bene illi proficere q̄ sic illa sumit ut male tractet autorẽ eorũ. ¶ **H**æc igit̄ p̄ponens fratribus bonus eris minister **C**hristi Iesu, enutritus uerbis fidei, & bonæ doctrinæ quã affecutus es. ¶ **Q**uid tam uerum, quid tam clarũ & prouidum, nisi ut diuina **C**hristiana incorrupta tradatur, ut fructus eius in arẽ dñica fertilis ac firmus collaudetur? **H**oc est, ut in die iudicij nõ reprobus & igni cõburendus cõseatur. **H**oc boni doctoris est atque idonei ministri dñi Iesu **C**hristi, quippe cū enutritũ hũc dicat uerbis fidei & bonæ doctrinæ quã ab infantia hunc affecutum asserit. **Q**ui em̄ integris omnibus **H**eb̄æorũ libris imbutus erat, accepta fide perfectũ fecit doctorẽ. ¶ **P**rophanas aut̄ & aniles fabulas abneue, exercēs temetipsum ad pietatem. **C**orporalis enim exercitatio ad modicum utilis est, pietas autem ad omnia utilis est, promissionẽ habens uitæ presentis & future. ¶ **P**rophana uerba aduersa intelliguntur. **A**niles autem fabulæ deliramenta sunt quædam. **H**æc quorundã perstreptentium uocibus solent in contentionẽ deduci, ut quasi tractatus habeatur rei inanis, cuius affectus nullus est nisi uanitatis. **A**b his ergo quæ contraria sunt declinandũ monet, simili modo & ab illis quæ anilia sunt uanitate quadam composita. **S**unt enim aliqui qui calore animi mittunt se in disputationes huiusmodi, **P**ietati autẽ ope

ram dandam commonet, quia grandem habet profectū. Qui enim misericordiae student, senioribus uicem reddēt parentibus, & in praesenti uita auxilia dei non deerunt illis, & in futuro immortalitatem habebunt cum gloria. Exercitium autem corporale ad modicum utile dicit. Ieiunare enim & abstinere à cibis manente auctoritate creatoris non multum prodest, nisi addatur huic pietas, cuius opa multorum precibus adiuuatur ad dñm, perueniendū. Denique illos qui fratribus largi sunt & uarijs titulis obsequentes, in uitā aeternam proficere euangelicus sermo testatur, dissentientes autem ab hoc opere in aeternū ignem. Corporis autem exercitium nihil aliud quam carnis frenata sunt. Si quis ergo, quia misericordia magna res est lubricum tamē carnis patiat, huiusmodi quid fiet? sine dubio uapulabit, quia illud oportuit fieri, & hoc minime praemitti. Si autem solū corporis habuit exercitiū perhennes poenas patietur, sicut in euangelio dñs repro misit. Omnis enim summa disciplinae nostrae, in misericordia & pietate est. Aliud tamen exercitium corporis habent carnales, & aliud spirituales. Carnales enim sagina & dapibus nutriunt corpora sua, ut celeri motu proficiant ad perditionem. Spirituales autem ieiunij & abstinentia tēperant corpora sua, ut pigra facta circa desideria, possint digna esse futura resurrectione. Hic enim propter spem futurā castigat corpus, ille uero propter futuri desperationem fouet, curam eius agēs ad tempus ut moueatur citius ad peccandum. ¶ Fidelis sermo & omni acceptione dignus. Ad hoc enim laboremus & persecutiones patiamur, quia speramus in deū uiuum, qui est salutaris omnium hominum maxime fidelium. Dignū est planē & accepto ferendum pro spe quae est in deo, patri persecutiones, quia in praesenti uita spes caduca est, in promissione autē dei firma atque stabilis. Ipse est enim salus omnium, quia ex ipso & per ipsum uiuunt quantum ad praesentē uitā pertinet omnes, quantum uero ad promissam salutem fideles. Cognoscentibus enim se post hanc uitam quae morte finitur, aliam se datum promissit quae immortalitate

talitate uigebit. **I**deo ergo ait, maxime fidelium. **¶** Prece hęc & doce, nemo enim iuuentutem tuam contemnat, sed forma esto fidelium, in uerbo, in conuersatione, in charitate, in fide & castitate.) **T**imotheus quantū ad ætatem pertinet, iuuenis erat, quantum ad mores & cōuersationē senior & grauis. **Q**uem ideo sic monet ut profectus eius per omnia exemplum esset bonorum operū, ut in adolescente mirabilis uideretur & grauis disciplina, ut actus eius excusarēt ætatem: & non quasi iuuenis, sed quasi senior haberetur, & erubescerent maiores natu nisi se exhibuissent iuxta formam huius cōuersatione & moribus graues, iuuenes autem coęuum suum haberent magistrū. **M**irabilis adolescens sanctissimus **T**imotheus cuius exemplo, indisciplina coërcenda iuuentus est, & seniorum irreuerentia punienda. **¶** Dum uenio attende lectionem exhortationem ac doctrinam. Noli negligere gratiam quę est in te, quę data est tibi per prophetiam cum impositione manuum presbyteri.) **I**ntentum hunc uult esse & deditum exercitio lectionis, ut omni cura diligentiāq; hoc enitatur ut exhortetur & doceat. **E**xhortatio est cum miti uerbo aliquos prouocamus ad bonū opus. **D**ocere uero quando ea quę latent intimamus mentibus audientium. **S**i enim rector populi ab his dissimulat, negligit gratiam datam sibi. **A**d hoc enim creatus populo, ut huius salutis sollicitudinem gerat, admonendo, docendo, ut fructum habeat ordinatio, quem ad hoc utiq; deus constituit ut proficiat saluti plebis suę. **Q**ui ergo in hac autoritate positus indiligens fuerit, dei contemptor habebitur, minimus in regno cęlorum uocatus. **N**eq; em̄ poterit facere, q: nec docere dignat. **G**ratiam tamen dari ordinatoris significat per prophetiam & manuum impositionē. **P**ropheta est qua eligit, quasi doctor futurus idoneus: manus uero impositiones uerba sunt mystica, quibus confirmat ad opus electus, accipiēs autoritatem teste conscientia sua, ut audeat uice domini sacrificium deo offerre. **¶** **H**ęc meditare, in his esto, ut profectus tuus manifestus sit omnibus. **A**tende tibi & doctrinę